

تقديم د. محمود هيكل

الحمد لله رب العالمين، والعاقبة للمتقين ولا عدوان إلا على الظالمين، وأشهد أن لا إله إلا الله وحده لا شريك له، له الملك وله الحمد وهو على كل شيء قدير، وأشهد أن محمداً عبده ورسوله، الرحمة المهداة والنعمة المسداة، والسراج المنير. اللهم صل وسلم وبارك على هذا النبي الكريم صاحب الخلق العظيم، وارض يا ربنا عن الذين أيدوه وناصروه، واتبعوا النور الذي أنزل معه أولئك هم المفلحون أما بعد

“، فهذا طرح أخی الدكتور / محمد العجوز -
حفظه الله-

وفيه يبعث روح الفأل والتفاؤل لمن شعر بضيق الأحوال، أو طلب العوز والمال، بأن يلجأ للرزاق المتعال، ليحلو عيشه من الطيب الحلال .. فأنصح بقراءته ونشره ليحسن العبد ظنّه في الله، وليعلم صاحب الهم والمسألة أنه لا ملجأ ولا منجاة من الله وقضائه إلا إليه سبحانه...،

كتبه

الفقير إلى ربه / محمود محمد هيكل

11 من جمادى الثاني 1436هـ

تدائيره عجب

- عايز 120 جنيه!!!! 3
- وظيفة وزواج 13
- ولادة بعد الستين !! 26
- كلمة السر 31
- جنب الأسد 37
- فتش عن الفيروس 44
- أحلى حياة ☺ 47
- وقبل الختام 60

إعداد

د. محمد العجوز

" تدابير عجب !! .. تدابير عجب !! "

« أنا إيه اللي جابني هنا !!!

« أنا ماشى فى الشارع والشارع فاضى !!!

« ربنا جابك ليا عشان أقدر أعمل العملية بكرة ..

« الكلام اللي قاله دا يا جماعة ماحسوش فى كتاب

ولكن شاهد عطاء الله عز وجل أمام عينيه ...

عشان كدا يا جماعة لازم نعرف إن حلول مشاكلنا كلها

إننا نعرف ربنا سبحانه وتعالى



ونعرف إن #تدابيره_عجب ...

« عارف أنا كتبت الكتيب دا ليه ...؟؟؟!!!

« دي عبارة عن رسالة كتبتها من قلبى لكل

مهموم ولكل واحد ضاقت بيه الدنيا ..

« لكل واحد حاسس إن مشاكله ملهاش حل

« لكل شاب تعبنا ونفسه يلاقى وظيفة ومش

لاقى ...!!

عايز 120 جنيه !!!!

« فى ليلة من الليالى اللي مش ممكن أنساها فى

حياتى وأنا ذاهب الى صلاة العشاء فوجئت برجل فقير

يمشى فى الشارع بيقول كلام عجيب جداً:

أبوس رجليكم عايز 120 جنيه أعمل بيها العملية

بُكرا..

« فذهبت إليه عشان أشوف في إيه .. !!

الراجل ده يا جماعة رجله مصابة بجرح كبير ويخرج

منها الصديد .. وأنا واقف معاه جه راجل طيب وطلعه

مبلغ .. هوا مطلقوش 120 جنيه .. ف الراجل قاله

"عايز أعمل العملية بكرة "

« ف الراجل قام مطلعله 200 جنيه وعطاها له .

« ف الراجل الفقير قال " دا أنت تستاهل أبوس

رجلك ورجل أبوك ورجل كل اللي يعرفوك "

« ف الراجل قاله " حرام عليك يا عم الحاج إستغفر

ربنا أنا مش عايز حاجة منك غير إنك تدعيلي " .

راح الراجل الفقير قعد يدعيله وييص للسما ويقول



ملکش غیره

« ده المعنى اللي النبي ﷺ كان دايمًا بيزرعه فى قلوب أصحابه .. إنه دايمًا يربي الصحابة إنهم يعلقوا قلوبهم بالله ..

« **عشان كذا كان من وصايا النبي ﷺ لابن عباس** **رضي الله عنه** : " يَا غُلَامُ، إِنِّي مُعَلِّمُكَ كَلِمَاتٍ: احْفَظِ اللَّهَ يَحْفَظْكَ، احْفَظِ اللَّهَ تَجِدْهُ تُجَاهَكَ، وَإِذَا سَأَلْتَ فَاسْأَلِ اللَّهَ، وَإِذَا اسْتَعَنْتَ فَاسْتَعِنْ بِاللَّهِ عَزَّ وَجَلَّ، وَاعْلَمْ أَنَّ الْأُمَّةَ إِنِ اجْتَمَعُوا عَلَى أَنْ يَنْفَعُوكَ لَمْ يَنْفَعُوكَ إِلَّا بِشَيْءٍ كَتَبَ اللَّهُ لَكَ، وَلَوْ اجْتَمَعُوا عَلَى أَنْ يَضُرُّوكَ لَمْ يَضُرُّوكَ إِلَّا بِشَيْءٍ كَتَبَهُ اللَّهُ تَعَالَى لَكَ "

« **احفظ الله** : بإنك تطيعه .. إنك تعبد.. إنك تنفذ أوامر ربك وتبعد بقدر المستطاع عن معصيته .. فلما تعمل كده تكون النتيجة إن ربنا يحفظك بحفظه ويرعاك ويكون نصيرك ويكون معينك ويكون وكيلك

« **إذا سألت فاسأل الله** : مشاكلك وإحتياجاتك لما تيجي تطلبها اطلبها من ربنا ..



« لكل شاب بيحلم إنه يتزوج ونفسه فى الزوجة الصالحة **بس إمكانياته مش مساعده ومش عارف يعمل إيه ..!!**

« لكل بنت شافت زميلات ليها تزوجن ونفسها تتزوج ويبقى ليها أسرة وأولاد ..!!

« لكل واحد أثقلته الديون .. !!

« لكل واحد أثقلته الهموم ..!!

« لكل من ضاقت عليه الدنيا **وأتعبت مشاكل الحياة..!!**

« لكل دول وغيرهم عايز أقولهم الله قادر يا جماعة

« عايز أقولك إن مهما كبرت مشاكلك ومهما كبرت همومك فلازم تعرف وتتيقن إن ربك " **تدابيره عجب** "

« عايز قلبك يتعلق بربك بس !!

« عايز أقولك " **ملکش غیره** "

تعالى مع بعض فى الكام صفحة دول نحاول نزرع ثقتنا فى الله عز وجل ..

«وَلَوْ اجْتَمَعُوا عَلَى أَنْ يَضُرُّوكَ لَمْ يَضُرُّوكَ إِلَّا بِشَيْءٍ
كَتَبَهُ اللَّهُ تَعَالَى لَكَ:

ولو الناس كلها حاولوا بجميع الطرق إنهم يضرونك أو يؤذونك مش هيعملوا كل ده إلا لو كان ربك سبحانه وتعالى مقدر عليك هذا الأمر ..

◆ فتعيش قلقان ليه ؟؟؟! وانت أمرك بإيده وضرك ونفعك بيديه سبحانه وتعالى.

◆ مهما كبرت مشكلتك ومهما كبر حلمك ومهما كبر أملاكك إفتكر إن ليك رب يسمع شكواك ويكشف بلواك ويقضى حاجتك

◆ استجيب لأوامره .. يستجيب لدعاءك .. يرشدك ويهديك ☺

👉 قول يا اارب .. هتلاقيه منك قريب ..

👉 قول يا اارب .. عشان دعائك يستجيب ..

«قَالَ رَبُّكَ " وَإِذَا سَأَلَكَ عِبَادِي عَنِّي فَإِنِّي قَرِيبٌ
أُجِيبُ دَعْوَةَ الدَّاعِ إِذَا دَعَانِ فَلْيَسْتَجِيبُوا لِي وَلْيُؤْمِنُوا

بِ لَعَلَّهُمْ يَرْشُدُونَ ﴿١٨٦﴾ " البقرة

«إِذَا اسْتَعْنْتَ فاستعن بالله: لما تيجي تطلب العون

والمدد ماتطلبوش غير من ربك سبحانه وتعالى .

﴿ فلما سؤالك يكون لله وإستعانتك تكون بالله يبدأ يرسخ فى قلبك معنى مهم جداً وهو إِنْ نَفَعَكَ وَضُرُّكَ يَكُونُ بِيَدِ اللَّهِ فمش هتخاف من حد غير ربنا سبحانه وتعالى ومش هتقلق من الحياة ومش هتخاف من بكره ومن المستقبل ومش هتخاف من قلة الرزق ومش هتخاف من زمايلك اللي فى الشغل اللي بيحاولوا إنهم يضايقوك أوي بسببلك مشاكل فيكون فى قلبك الخوف من الله وحده وهوا دا المعنى اللي النبي ﷺ علمه لإبن عباس ؓ ..

«وَأَعْلَمُ أَنَّ الْأُمَّةَ إِنْ اجْتَمَعُوا عَلَى أَنْ يَنْفَعُوكَ لَمْ يَنْفَعُوكَ إِلَّا بِشَيْءٍ كَتَبَ اللَّهُ لَكَ :

يعنى لو الناس كلها حاولوا واجتمعوا على إنهم ينفعوك بشئ معين .. الكلام ده مش هيحصل إلا لما يكون ربك جل وعلا كتبها لك فمتعلقش بقلبك بغيره ومتحطش أملاك فى حد غير ربنا سبحانه وتعالى ومتحطش أحلامك غير فى إيد ربك فلما المعنى ده يدخل فى قلبك هتعيش مطمئن وهتعيش مستريح ..

○ نبي الله يعقوب عليه السلام لما فقد يوسف وأخوه وإشتد عليه الغم والهم لم يشكوا همه لأحد من البشر ولكن رفع شكواه لقيوم السموات والأرض سبحانه وتعالى

" قَالَ إِنَّمَا أَشْكُوا بَنِي وَحُزْنِي إِلَى اللَّهِ " يوسف 86

(عند الطبيب يجب أن تشرح معاناتك بدقة ...

لكن مع الله...يكفي أن تقول : يارب أنا أتألم...)

د.عبدالله بلقاسم

﴿ **عشان تعرف إن "ملكش غيره" إفتكر أوى الحديث القدسي ده :** » ... يَا عِبَادِي كُلُّكُمْ ضَالٌّ إِلَّا مَنْ هَدَيْتُهُ، فَاسْتَهِدُونِي أَهْدِكُمْ، يَا عِبَادِي كُلُّكُمْ جَائِعٌ، إِلَّا مَنْ أَطْعَمْتُهُ، فَاسْتَطْعِمُونِي أَطْعِمَكُمْ، يَا عِبَادِي كُلُّكُمْ عَارٍ، إِلَّا مَنْ كَسَوْتُهُ، فَاسْتَكَسُونِي أَكْسِكُمْ،، يَا عِبَادِي لَوْ أَنَّ أَوْلَكُمْ وَأَخْرَكُمْ وَإِنْسَكُمْ وَجِنَكُمْ

﴿ **قال ربك** " إِنَّ رَبِّي قَرِيبٌ مُّجِيبٌ ﴿٦٦﴾ " هود

﴿ مهما كان ما تحب صعباً وبعيداً فإن الذي بيده ما تحب قريب .. قريب فيسمعك !! مجيب فلا يردك !!

﴿ **قال ربك**

" **أَمَّنْ يُجِيبُ الْمُضْطَرَّ إِذَا دَعَاهُ وَيَكْشِفُ السُّوءَ**
وَيَجْعَلُكُمْ خُلَفَاءَ الْأَرْضِ أَأَلَهُ مَعَ اللَّهِ قَلِيلًا مَا
تَذَكَّرُونَ ﴿٦٢﴾ " النمل

◀ في حد هيجيب دعاءك غير ربنا !!؟؟

◀ في حد هيكشف ضررك غير ربنا !!؟؟

◀ في حد هيحل مشاكلك غير ربنا !!؟؟

◀ في حد هيسمع لشكواك غير ربنا !!؟؟




فتذكرت قول الله عز وجل

"وَمَا كَانَ عَطَاءُ رَبِّكَ مَحْظُورًا ﴿٢٠﴾" الاسراء

« يعني عطاء الله سبحانه وتعالى مش ممنوع عن حد وهو أرحم الراحمين لم يمنع عنك عطاؤه ..
« ملك الملوك إذا وهب لا تسألن عن السبب »
عشان كذا بقولك متحسبهاش مع ربنا بالورقة والقلم

"وَرَبُّكَ الْغَنِيُّ ذُو الرَّحْمَةِ" الأنعام 133

حين تشكو لبشر .. فقد يملك مساعدتك
ولكنه لا يرحم .. أو يرحم وليس بيده شئ
ربك وحده من يرحمك ويعطيك



قَامُوا فِي صَعِيدٍ وَاحِدٍ **فَسَأَلُونِي فَأَعْطَيْتُ كُلَّ**
إِنْسَانٍ مَسْأَلَتَهُ، مَا نَقَصَ ذَلِكَ مِمَّا عِنْدِي إِلَّا كَمَا
يَنْقُصُ الْمَخِيطُ إِذَا أُدْخِلَ الْبَحْرُ، ... « صحيح
♥ من غير هدايته .. هتضل .. فاطلب الهداية ..
يهديك .

♥ من غير ربنا .. أنت جعان .. اطلب منه يأكلك
ويطعمك .. هيعطيك ويطعمك .

♥ من غير ربنا إنت عريان .. اطلب من ربنا
يكسوك .. هيكسوك ..

♥ لو كل البشر وكل الجن قاموا في مكان واحد
وكل واحد سأل ربنا حاجته .. ده كله مش
هينقص من خزائن الله أي شئ .. زي بالظبط كده
لما أبره تنزل البحر !! هتنقص من البحر شئ !!

♦ من ضمن الكلمات اللي كان أحد أصدقائي دائماً
يذكرني بيها

ربنا عنده كتييير بس احنا اللي مش عارفين

نخبط على باب الملك سبحانه وتعالى !! ☺

وظيفة وزواج

« ايه اكبر مشكلتين بيواجهوا أي شاب دلوقتى؟؟!!
هتقولى: الوظيفة و الزواج !!

❖ لأنه عايز فلوس عشان يقدر يتزوج فمحتاج مصدر رزق عشان يقدر يجهز نفسه ويقدر يقوم بتكاليف الزواج ..

◀ كثير من الشباب يحاول يدور على حل للمشكلتين
دول.. وممكن ميكونش بينام الليل بسببهم ..

✍️ تعالیٰ نعيش مع بعض مع قصة نبي الله موسى عليه السلام وإزای مشاکله کلهā إتحت بشئ بسيط

جداً وهو إنه قال يا ارب ..

﴿ نبي الله موسى عليه السلام مُطارِد.. خائف.. لا ليه زوجة ولا ليه سكن ولا يملك أي شئ من قوت الدنيا .

« تعالى بقا نعيش القصة من كلام الله عز وجل »

قال الله تعالى: " وَلَمَّا تَوَجَّهَ تِلْقَاءَ مَدْيَنَ قَالَ عَسَىٰ

رَبِّي أَنْ يَهْدِيَنِي سَوَاءَ السَّبِيلِ ﴿٢٢﴾ "القصص

« خدت بالك من حاجة مهمة إن أول حاجة قالها وأول حاجة كانت فى ذهنه إن قلبه كان متعلق بالله سبحانه وتعالى عشان كذا قال

"عَسَىٰ رَبِّي أَن يَهْدِيَنِي سَوَاءَ السَّبِيلِ"

« ولما سقا للفتاتين رغم إنه كان تعباً ورغم
الهموم التي كان شايها فوق كتافه إلا إن المروءة
والشهادة والحرص على مساعدة المحتاجين لم
تمنعهُ إنه يساعد الفتاتين ..

﴿ قَالَ اللَّهُ تَعَالَى " فَسَقَى لَهُمَا ثُمَّ تَوَلَّى إِلَى الظِّلِّ

فَقَالَ رَبِّ إِنِّي لِمَا أَنْزَلْتَ إِلَيَّ مِنْ خَيْرٍ فَقِيرٌ ﴿٢٤﴾

القصص

◀◀ أنت متخيل مشهد واحد في قمة التعب والإرهاق فقال كلمة كانت سبب إنها تحل كل مشاكله عارف إيه هي الكلمة دي

"رَبِّ إِنِّي لِمَا أَنْزَلْتَ إِلَيَّ مِنْ خَيْرٍ فَقِيرٌ" ﴿٢٤﴾

أنا محتاجك يا اااااارب

◀ أنا مليش غيرك ياااااارب

◀ أنا محتاج لعطائك يا اااااارب

متسببیش لوحدي يا ارب<

أنا فقير إليك يا اااااارب

مجرد لما قال يارب من قلبه إتحت كل مشاكله ..

« شوف ربنا قال إيه فى الآيه اللي بعدها على طول
" فَجَاءَتْهُ إِحْدَاهُمَا تَمْشِي عَلَى أَسْتَحْيَاءٍ قَالَتْ إِنَّ أَبِي

يَدْعُوكَ لِجُزَيْكَ أَجْرَ مَا سَقَيْتَ لَنَا^ج فَلَمَّا جَاءَهُ وَقَصَّ
عَلَيْهِ الْقِصَصَ قَالَ لَا تَخَفْ^ط نَجَّوْا مِنَ الْقَوْمِ الظَّالِمِينَ

٢٥ " القصص

◀◀ كدا مشكله الفلوس إتحتت .. 😊

"قَالَتْ إِحْدَاهُمَا يَأْبَتِ أُسْتَجِرُهُ ^{صلى} إِنَّ خَيْرَ مَنِ
أُسْتَجَرْتُ الْقَوِيُّ الْأَمِينُ " القصص

◀◀ مشكلة الوظيفة إتحتت 😊

" قَالَ إِنِّي أُرِيدُ أَنْ أُنكِحَكَ إِحْدَى ابْنَتَيَّ هَاتَيْنِ "
يعنى أزواجك

◀◀ مشكلة الزواج إتحتت 😊

شوف مشاكل أد إيه إتحت لما أفترق إلى الله سبحانه
وتعالى.. لما عرف إنه من غير ربنا ضعيف ..

✉ قال الله تعالى "يَأْتِيهَا النَّاسُ أَنْتُمْ الْفُقَرَاءُ إِلَى اللَّهِ ^ص وَاللَّهُ هُوَ الْغَنِيُّ الْحَمِيدُ" ﴿١٥﴾ فاطر

اللَّهُ ۖ وَاللَّهُ هُوَ الْغَنِيُّ الْحَمِيدُ ﴿١٥﴾ "فاطر

♥ إنت من غير ربنا ولا حاجة ..

♥ أنت من غير ربنا مش هتقدر تعمل حاجة ..

♥ بلاش تواجه الحياة بعضلاتك عشان هنتعب أوى

♥ لو ربنا خذاك وتركك لنفسك هتضيييييييع....

○ ودي قصة زواج أحد الشباب وهي قصة في

منتهى العجب .. تعالى نسمع القصة منه :

« **بيقول :** كنت شاب .. عندي 23 سنة .. وظروفي
مكنتش كويسة مادياً .. فقير !! .. ولما كلمت أهلي في
موضوع الزواج .. للأسف مفيش حد كان مأيديني في
القرار ده خالص وكان كلامهم عبارة عن تأنيب (أنت
هتقعّد تخرج نفسك ليه !! .. ومين اللي هيقبلك وأنت
بالشكل ده !! .. ده غير مصاريفك على المناسبات !!
.. وفر فلوسك وحوشها أحسن !! .. خلاص شيل
الشيلة لوحداك احنا ملناش دعوة !! دلوقتي مش
هينفع !!) .. ودي كانت حسابتهم زي حسابات ناس



كثير من النوع اللي بيحسبوها مع ربنا بالورقة والقلم !! ..

بس أنا كان عندي يقين إن ربنا هيكرمني :) .. بالفعل اتقدمت للبننت اللي كنت عايزها .. والدها كان مسافر .. قعدت مع أخوها ..

◀ سألني : عندك شقة ؟؟؟ !!

قولتله : لا !! ..

◀ قالني : طب عندك شقة في بيت أهلك ؟؟؟ !!

قولتله : لا !! .. فقعد يضحك ..

فقلتله : أنت بتستهزأ بيا ؟؟؟ !! ..

◀ قالني : لا !! ..

◀ فسألني : أنت عندك كام سنة ؟؟ وأنت ولا معاك لا

شقة ولا فرش ولا أي حاجة خالص !!!!!

قولتله : أنا واثق إن ربنا هيكرمني :) .. وفي خلال سنة بإذن الله هجهز كل حاجة ..

◀ قالني : أنت هتسافر خارج مصر ؟؟؟ !! ..

قولتله : لا !! .. فاستغرب وضحك ..

فقلتله : ده استهزاء ؟؟؟ !! ..



◀ قالني : لا .. بس مستغرب على ثقتك دي .. وحاسس

إنه تفكير مش منطقي !! .. هتجهز نفسك من الصفر

وفي سنة !!! من غير ما تسافر وأنت قاعد في مصر !!!!!

◀ قولتله : بفضل الله معايا صنعتي (السباكة) وإن

شاء الله أنا واثق إن ربنا هيكرمني :) ..

وطبعاً مشيت وأن في إنتظار الرد !! ..

◀ الموضوع كان مرفوض بنسبة 90 % من العيلة

كلها .. وازاي ده فقير !! هيوكلها منين !!

وهيعيشها ازاي !! .. وكأن اللي خلقهم مش هيبسر

لهم أسباب الرزق !!

◀ كل العيلة كانت معترضة إلا واحد بس قاللهم :

" الراجل ده على خلق ودين ولو

مخدتتهوش هتخسروه !!! " ..

◀ راحوا للبننت وسألوها إيه رأيك ؟؟؟ !! والرأي

الراجح هيبقى رأيك وأنتي اللي هتتحلمي قرارك !! ..

◀ قالت لهم : أهم حاجة إنه صاحب خلق ودين وأنا

موافقة !! ..

◀ وبالفعل وافقوا على الزواج .. وبعد مرور السنة

قلت لهم : أنا جاهز !! .. الشقة فرشتها .. كنا متفقين



على أوضتين والتالفة تتكتب .. جبت ثلاث أوض
وخليت التالفة مفاجأة ..

«هما بقى اللي كانوا بيقولوا عليا هجهز نفسي ازاي
لما قولتلهم إني جهزت استغربوا جداً ..

«**وقالو لي :** ادينا شهرين نلم فيهم نفسنا !! ..
وجبت الذهب وبفضل الله ربنا وسع عليا دلوقتي ..
وأنا متزوج الآن من 14 سنة .. وربنا رزقني الذرية
الصالحة .. وزوجتي بفضل الله خير زوجة ☺

«فدايماً خليك واثق في ربنا ومتبصش للي في
إيدك .. ولكن خليك واثق في اللي عند ربنا
سبحانه وتعالى .. خد بالأسباب .. اجتهد ..
الزواج مش ماديات ، الزواج وأي حاجة في حياتك
.. حلها إنك تثق في الله :

♥ **عشان كذا كان من دعاء النبي ﷺ**
" يَا حَيُّ يَا قَيُّوْمُ بِرَحْمَتِكَ أَسْتَغِيْثُ ، أَصْلَحْ لِي شَأْنِي
كُلَّهُ ، وَلَا تَكْنِيْ إِلَى نَفْسِي طَرْفَةَ عَيْنٍ " صحيح
«النبي ﷺ علمنا حاجة جميلة أوى إنك تستخير
ربنا سبحانه وتعالى في كل صغيرة وكبيرة

عارف-ليه؟



لأن ربنا أعلم بمصلحتك وبما ينفعك .. واختيار الله
ليك أفضل من اختيارك لنفسك :

♥ **عشان كذا في دعاء الإستخارة بتقول:**
" اللَّهُمَّ إِنِّي أَسْتَخِيرُكَ بِعِلْمِكَ وَأَسْتَقْدِرُكَ بِقُدْرَتِكَ ،
وَأَسْأَلُكَ مِنْ فَضْلِكَ الْعَظِيمِ ، فَإِنَّكَ تَقْدِرُ وَلَا أَقْدِرُ ،
وَتَعْلَمُ وَلَا أَعْلَمُ ، وَأَنْتَ عَلَّامُ الْغُيُوبِ ، اللَّهُمَّ إِنْ كُنْتَ
تَعْلَمُ أَنَّ هَذَا الْأَمْرَ **خَيْرٌ لِّي** فِي دِينِي وَمَعَاشِي
وَعَاقِبَةِ أَمْرِي - أَوْ قَالَ عَاجِلْ أَمْرِي وَآجِلِهِ - **فَاقْدُرْهُ**
لِي وَيَسِّرْهُ لِي ، ثُمَّ بَارِكْ لِي فِيهِ ، وَإِنْ كُنْتَ تَعْلَمُ أَنَّ
هَذَا الْأَمْرَ **شَرٌّ لِّي** فِي دِينِي وَمَعَاشِي وَعَاقِبَةِ أَمْرِي
- أَوْ قَالَ فِي عَاجِلِ أَمْرِي وَآجِلِهِ - **فَاصْرِفْهُ عَنِّي**
وَاصْرِفْنِي عَنْهُ ، وَاقْدِرْ لِي الْخَيْرَ حَيْثُ كَانَ ، ثُمَّ
أَرْضِنِي " قَالَ : «وَيُسَمَّى حَاجَتَهُ» صحيح

♥ لو الأمر خير ليا في ديني ودنياي قدره ليا
ويسر هولي وباركلي فيه .. ولو الأمر ده شر لي في
ديني ودنياي ابده عني وابعدني عنه .. وقدر لي
الخير في أي أمر من الاتنين وخليني راضي باللي
تقدره لي .. بس حس الدعاء بقلبك

كفاية عليك ربنا

□ تخيل كده لو أنت ماشي بعربيتك ومعاك واحد صاحبك ورخصك اتسحبت منك .. ف أنت كنت قلقان وبقيت متضطرب وزعلان ومش عارف تعمل إيه !!! .. وصاحبك اللي جنبك قاعد مطمئن ورايق ... ف أنت بتسأله وأنت مستعجب

!! إيه يابني الهدووووء اللي أنت فيه ده؟؟!!

هيقولك : وأنت قلقان ليه !! الرخصة ترجع بمكالمة تليفون !! ... ليه؟؟!! .. أنا ليا خالي

مستول كبير وف لحظة كل حاجة ترجع ☺ ...

◆ ده حالك مع أي مشكلة .. ده كان مطمئن لأنه

عارف إن ليه حد يتسند عليه !! ... وواثق إن

الشخص ده يقدر يحل مشكلته .. والله المثل الأعلى

☺ .. لما تبقى واثق إن ربنا مش هيضيعك أبداً ..

ومش هيسيبك .. ومش هيسيب الهموم تسيطر عليك

.. ومش هيجرح قلبك ..

◆ ياترى مطمئن بأن ربنا هيكفيك؟؟!! وهيهديك

؟؟!! وهينصرك؟؟!! وهيتولاك؟؟!! لما مالك الملك

والملكوت يتولاك !!

♥ لما يبقى معاك الملك هتعوز إيه تاني؟؟!!

♥ لما أرحم الراحمين يكون هو من يدبر لك أمرك..

♥ لما أرحم الراحمين يكون هو من يختار لك ...

♥ لما أرحم الراحمين يكون معينك..

♥ لما القوي العزيز يكون نصيرك ...

♥ لما العزيز الحكيم يكون وكيلك ...

◀ هتعووووز إيبويه تاني؟؟!!

◀ يا ترى قلبك هيتعلق بغيره؟؟!!

♥ عيش الآيات دي بقلبك

◀ قال الله تعالى

"وَتَوَكَّلْ عَلَى اللَّهِ وَكَفَى بِاللَّهِ وَكِيلًا" ﴿٨١﴾ النساء

"وَكَفَى بِرَبِّكَ هَادِيًا وَنَصِيرًا" ﴿٣١﴾ الفرقان

"وَكَفَى بِاللَّهِ وَلِيًّا وَكَفَى بِاللَّهِ نَصِيرًا" ﴿٤٥﴾ النساء

"أَلَيْسَ اللَّهُ بِكَافٍ عَبْدَهُ وَيُخَوِّفُونَكَ بِالَّذِينَ مِنْ

دُونِهِ" ﴿٣٦﴾ الزمر

لعلّه خير ☺

كان في ملك من الملوك ليه وزير معاه على طول مش بيسييه .. وكان مؤمن جداً إن قدر الله كله خير وأي حاجة تحصل يقول **"لعلّه خير"** .. ففي يوم من الأيام الملك صباعه اتقطع ..

فقال له الوزير **"لعلّه خير"** ..

○ **فغضب الملك وقال له :** أي خير في قطع أصبعي !! فين الخير اللي هنا .. فأمر الملك بسجن الوزير .. وتاني يوم الملك طلع يصطاد لوحده بدون الوزير .. لغاية ما وقع في يد قوم يعبدون الأصنام .. وكانوا عايزين يقدموه قربان للآلهة وهيدبحوه .. وقبل ما يدبحوه .. قالوا **دا ما ينفعش لأن صباعه مقطوع ..** فرجع وهو خايف وفرحان لأنه نجا .. فأول حاجة عملها إنه طلع الوزير من السجن ..

○ **فقال الملك :** لقد كان قطع أصبعي خيراً عظيماً **فقد نجاني الله به من شر ميتة ..** ولكن أي خير في سجنك ؟؟؟!!

○ **فقال الوزير :** خير والله ، فلو كنت معك لأخذوني أنا قرباناً للأصنام ..

◆ الكلمة دي لو جعلتها شعار في حياتك هتعلم علم اليقين إن تقدير الله عز وجل ليك كله خير ..

◆ لو بصيت في حياتك هتلاقي القصة دي اتكررت معاك كتبيير .. ربك لطيف خبير

◆ الوظيفة اللي كنت هتموت عليها عشان مرتبها عالي لكن للأسف راحت منك إفتكر كويس أوى إن ربنا مقدر لك الخير لأنه يعلم وأنت لا تعلم ...لأنه عليم خبير وانت بشر علمك على قدك ...

◀ قال الله تعالى

◀ "وَعَسَى أَنْ تَكْرَهُوا شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ" البقرة ٢١٦

◀ " فَعَسَى أَنْ تَكْرَهُوا شَيْئًا وَيَجْعَلَ اللَّهُ فِيهِ خَيْرًا كَثِيرًا" النساء ١٩



« **مش كل حاجة بتكرهها تبقى شر ..!!** »

« (ويجعل) دي تفيد الاستمرار .. يعني الشئ اللي أحزنك ده .. الخيرات بتتوالد منه باستمرار ، فأبشر :)

ربما خير لم تناله كان شراً لو اتاك ، فلا تقلق ،

وأحسن ظنك ب مولاك!!

« مش كل حاجة بتحبها خير ...

« مش كل حاجة بتحبها فى مصلحتك ..

« ممكن يكون الحاجة اللي قلبك متعلق بيها دى تكون قمة الشر بس لإنك مستعجل وبتبص تحت رجلك شايف إن دي هتكون فيها سعادتك ولكن إفتكر إن الله يعلم وأنت لاتعلم ..!!!

« خليك دائماً واثق إن تقدير الله سبحانه وتعالى كله خير ..

إذا أخذ الله منك ما لم تتوقع ضياعه ..

فسوف يعطيك ما لم تتوقع تملكه ..



ولادة بعد السنين !!

« نبي الله إبراهيم بعد كبر سنه جاءته الملائكة عشان تبشره بسلام ... الولد اللي طول عمره بيحلم بيه !! الذرية اللي كان بيتمنها !!

« فلما زوجته سمعت هذا الكلام إستغربت جداً

" قَالَتْ يَوَيْلَتَى ءَأَلِدُ وَأَنَاْ عَجُوزٌ وَهَٰذَا بَعْلِي شَيْخًا

إِنَّ هَٰذَا لَشَيْءٌ عَجِيبٌ ﴿٧٢﴾ " هود

« بتقول هو أنا ممكن يكون عندي أولاد بعد كبر السن وزوجى راجل كبير !!

ياااااااااه إنت متخيل المشهد !!

« بالعقل البشرى وبالأسباب المتاحة ولو حسبناها بالورقة والقلم إستحالة تتجب ويكون عندها أولاد!! ولكن مع ربنا ومع قدرة الملك سبحانه وتعالى مفيش حاجة إسمها أسباب ..!!!!!!

« فيكون الرد عليها

" قَالُواْ أَتَعْجَبِينَ مِنْ أَمْرِ اللَّهِ " هود 73



« نبي الله زكريا بعد كبر السن وإستحالة الإنجاب لم ييأس وفضل واقف على باب الملك سبحانه وتعالى فقال

« قال تعالى :

" إِذْ نَادَى رَبَّهُ وَنِدَاءً خَفِيًّا ﴿٣﴾ " مريم

« ربنا بیسمع كل همسة بتهمسها .. وكل شكوى بتشكيها .. وكل ألم بتألمه .. أبشر :)
« ربنا مكلفكش إنك ترفع صوتك وأنت بتدعوه !! مجرد وجعك وألمك يسمعه أرحم الراحمين :)

قَالَ رَبِّ إِنِّي وَهَنَ الْعَظْمُ مِنِّي وَاشْتَعَلَ الرَّأْسُ شَيْبًا وَلَمْ أَكُنْ بِدُعَائِكَ رَبِّ شَقِيًّا ﴿٤﴾ مريم

« جميع أسباب الإنجاب انتهت !! كبر السن وشيب الرأس !!

وأنت بتدعي ربنا اعترف بضعفك وقلة حيانتك
♥ أنا عمري ما هشقى أوأتعس وأنا بدعوك يا رب !!
♥ يقول أنا عمري ما دعيتك يارب وخيبتني !!
♥ عمري ما دعيتك يا رب وتركتني !!



♥ لَمَّا تيجي تدعي ربنا افكر أفضاله القديمة عليك .. يارب أنا لَمَّا دعيتك في المشكلة الفلانية مسبتيش .. وهكذا

" فَهَبْ لِي مِنْ لَدُنْكَ وَلِيًّا ﴿٥﴾ " مريم

« أنا عايز منك أنت يا رب (من لَدُنْكَ)
« لَمَّا تيجي تطلب من ربنا حاجتك .. اعترف لربنا إنها مش هتيجي غير من باب جوده وكرمه .. الإعراف ده بيقوي فاعلية الدعاء واستجابته :)
طلب من الله ولياً فأعطاه أكرم الأكرمين نبياً

يَزَكِّرِيَا إِنَّا نُبَشِّرُكَ بِغُلَامٍ

« ما أجمل عطاء الله !! لَمَّا يبشرك بعطاياه لَمَّا تدعوه بدعوة أقرب إلى المستحيل .. لكن الكريم لم يخيب ظنك :)

قَالَ رَبِّ أَنِّي يَكُونُ لِي غُلَامٌ وَكَأَنِّي آمُرَاتِي عَاقِرًا

وَقَدْ بَلَغْتُ مِنَ الْكِبَرِ عِتِيًّا ﴿٦﴾

« بعض العطاءات الربانية من عظمتها واندھاشك بيها !! بتتسى إنك أنت اللي دعيت بالدعاء ده :)
« مع الله أنسى المستحيلات :)



الكريم ♥ إذا أعطى أدهش

قَالَ كَذَلِكَ قَالَ رَبُّكَ هُوَ عَلَى هَيْنٍ

◀ لو اليأس أحرق قلبك !! أطفأه أنت بهذه الآية !!
 ◀ لو حاسس إن مشاكلك صعبة .. ارجع بيها لله الملك
 القدير فكل أمرٍ عنده يسير !!
 ◀ دي رسالة لكل عقيم .. لكل زوج وزوجة ظنوا
 باستحالة الخلفة .. راحوا لكل الأطباء دون نتيجة !!
 اطلب ممن قال عن نفسه

هُوَ عَلَى هَيْنٍ

✉ في سورة الأنبياء .. رسالة ✉ من ربنا إليك
 عشان تبعد عنك اليأس .. وتبعث في قلبك الأمل في
 الله :) وربنا يدلك على طريق الخيرات والفتوحات :

"وَزَكَرِيَّا إِذْ نَادَى رَبَّهُ رَبِّ لَا تَذَرْنِي فَرْدًا وَأَنْتَ

خَيْرُ الْوَارِثِينَ ﴿٨٩﴾" الأنبياء

◀ لكل واحد اتحرم من الذرية .. أدعي بالدعاء ده
 بثقة ويقين في الله :

◀ فتكون النتيجة :



"فَأَسْتَجِبْنَا لَهُ وَوَهَبْنَا لَهُ يَحْيَى وَأَصْلَحْنَا لَهُ

زَوْجَهُ"

◀◀ عارف كل دا حصل فيه؟؟!!

فربنا سبحانه وتعالى بيدلك على طريقة إستنزال
 الرحمات والبركات

◀◀ "إِنَّهُمْ كَانُوا يُسْرِعُونَ فِي الْخَيْرَاتِ

وَيَدْعُونَنَا رَغَبًا وَرَهَبًا

وَكَانُوا لَنَا خَاشِعِينَ ﴿٩٠﴾" الأنبياء

✉ أكثر وسيلة لاستجابة الدعاء استحضار عظمة الله
 وإنك تخاف منه وترجوه ..

✉ المسارعة في الخيرات والطاعات سبب إجابة
 الدعوات :

✉ خشوعك وانكسارك لله يفتح لك باب كيبير من
 أبواب العطايا والرحمات :

◀ فمهما كانت مشاكلك كبيرة فثق

تماماً إن ليك رب يسمَعُ ويُجيبُك..

كلمة السر (يا اارب)

عارف ليہ !!!

«لأنه يعطيك أكثر مما تطلب..»

« نبي الله أيوب فقد أهله .. وفقد ماله .. وفقد صحته .. هجره القريب والبعيد .. الكل تخلى عنه .. الكل تركه.

" وَأَيُّوبَ إِذْ نَادَىٰ رَبَّهُ أَنِّي مَسَّنِيَ الضُّرُّ وَأَنْتَ أَرْحَمُ

الرَّحِمِينَ ﴿٨٣﴾ "الأنبياء

" فَاسْتَجَبْنَا لَهُ وَفَكَّشْنَا مَا بِهِ مِنْ ضُرٍّ "

"وَعَاتَيْنَهُ أَهْلَهُ، وَمِثْلَهُم مَّعَهُمْ رَحْمَةً مِّنْ عِندِنَا
وَذِكْرَىٰ لِلْعَابِدِينَ" ﴿٨٤﴾

« دا كله " رَحْمَةً مِّنْ عِندِنَا " »

◀◀ ياااااه لرحمتك يارب

◀◀ عطاؤه أذهل السائلين

🗣️ **نبي الله يونس (عليه السلام)**

قال الله تعالى "وَذَا التَّوْنِ إِذْ ذَهَبَ مُغَضِبًا فَظَنَّ أَنْ لَنْ نَقْدِرَ عَلَيْهِ" أي نضيق عليه



"فَنَادَى فِي الظُّلُمَاتِ أَن لَّا إِلَهَ إِلَّا أَنْتَ سُبْحَانَكَ

إِنِّي كُنْتُ مِنَ الظَّالِمِينَ ﴿٨٧﴾" الأنبياء

« ظلمة البحر وظلمة الحوت لم تمنع وصول نور الدعاء واللجوء إلى الله ☺

« الظلام ييمنع الضياء والنور لكن ميقدرش يمنع دعوة مكروب ومغموم :)

« يا ترى إيه اللي جعله يذكر ربنا مع شدة الضيق اللي هو فيها دي !!؟؟
إلا إنه كان بيذكر ربنا في وقت الرخاء والوقت اللي مفيهوش بلاء ..

« حالك مع ربنا في الرخاء ودعاءك وتضرعك ليه من أكثر الحاجات اللي هتثبتك في الشدائد والكربات ..

❖ يا ترى أخبارك إيه مع ربنا !!؟؟

❖ يا ترى أخبار قيام الليل إيه !!؟؟

❖ يا ترى إيه أخبارك مع الذكر والدعاء !!؟؟

« فكانت النتيجة «



" فَاسْتَجَبْنَا لَهُ وَنَجَّيْنَاهُ مِنَ الْغَمِّ وَكَذَلِكَ نُنْجِي

الْمُؤْمِنِينَ ﴿٨٨﴾" الأنبياء

" فَلَوْلَا أَنَّهُ كَانَ مِنَ الْمُسَبِّحِينَ ﴿١٤٣﴾ لَلَبِثَ فِي

بَطْنِهِ إِلَى يَوْمِ يُبْعَثُونَ ﴿١٤٤﴾" الصافات

« فلا يُنْجِي من الكربات مثل التسبيحات

فأكثر دايماً من التسبيح :

سبحان الله .. سبحان الله وبحمده .. سبحان الله العظيم



وطنى فيك يا سَدي جميل
أجـ لـ ظن

❖ يا ترى ظنك إيه فى ربنا..؟؟!!
❖ يا ترى إنت واثق إن ربنا قادر يحللك مشكلتك
!!؟؟..

شوف معايا الحديث القدسى الجميل ده
❖ يقول الله فى الحديث القدسى :

" **أَنَا عِنْدَ ظَنِّ عَبْدِي بِي وَأَنَا مَعَهُ إِذَا دَعَانِي** صحيح

❖ يعنى لو ظنك إن ربنا هيحللك مشكلتك هيحلهاك
❖ ولو ظنك إن ربنا هيفرج كربك هيفرجه
❖ خلى عندك حسن ظن فى ربنا بلاش اليأس
والإحباط خلى عندك أمل فى الله سبحانه وتعالى

" **فَمَا ظَنُّكُمْ بِرَبِّ الْعَالَمِينَ** " الصافات

❖ قال الله تعالى " وَإِنْ مِّنْ شَيْءٍ إِلَّا عِنْدَنَا

خَزَائِنُهُ وَمَا نُنَزِّلُهُ إِلَّا بِقَدَرٍ مَّعْلُومٍ " النحل

❖ إزاي تبقا حزين ومش واثق إن ربنا يحللك
مشكلتك وأنت عارف إن الله عز وجل قال :

" **وَكَانَ رَبُّكَ قَدِيرًا** " الفرقان

❖ قال الله تعالى " **الظَّالِمِينَ** بِاللَّهِ ظَنِّ

السَّوْءِ عَلَيْهِمْ دَائِرَةُ السَّوْءِ " الفتح

**بقدر ظنونهم ساءت حياتهم .ظن بربك الخير
تجد الخير في حياتك.**





جذب الأسد

« يا ترى إيه شعور واحد فى أسد بيجرى وراه ؟؟!! هو يجرى والأسد يجرى وراه لغاية ما دخل حصن وإستخبى فيه ..

« عارف ليه رغم إن الأسد مخيف ومرعب إلا إننا لما بنشوفه من ورا الأسوار الحديدية مش بنبقى خايفين ولا مرعوبين ولا قلقانيين ؟؟؟؟؟!!!!!!

لأن بينك وبين الأسد سد منيع ..

« وكذلك لما تبقى واثق فى ربنا ببقى بينك وبين إفتراس الهموم وقوتها سد منيع وهو الثقة فى الله

« الثقة فى الله بتصنع إنسان قادر علي مواجهة

المشكلات والضغط ..

« نبي الله نوح لما قومه وقفه فى وشه عشان يحاربوه ويؤذوه .. قال إيه ؟؟؟!!!!!!



« قال الله تعالى (وَأْتَلُ عَلَيْهِمْ نَبَأَ نُوحٍ إِذْ قَالَ لِقَوْمِهِ

يَقُومُوا إِن كَانَ كَبُرَ عَلَيْكُمْ مَقَامِي وَتَذَكِيرِي بِآيَاتِ اللَّهِ (لو تذكرى تعيل عليكم !!

((فَعَلَى اللَّهِ تَوَكَّلْتُ)) أنا توكل على الله ويقينى فى الله ونفعى وضري بيد الله ..

((فَأَجْمَعُوا أَمْرَكُمْ وَشُرَكَاءَكُمْ)) هاتوا اللي تجيبوه وأجمعوا اللي تجمعوه !!!..

(ثُمَّ لَا يَكُنْ أَمْرُكُمْ عَلَيْكُمْ غُمَّةً ثُمَّ اقْضُوا إِلَيَّ وَلَا

تَنْظُرُونَ ﴿٧١﴾ [سورة يونس : 71]

يعنى متخلوش الأمر مستخبي !! وتعالولي عشان تعملوا فىا اللي أنتوا عايزينه !!

#معاك_الملك_متخافش

مهما كاد الناس ليك وحاولوا يؤذوك أو يمكروا

بيك ؛ اجعل توكلك واعتمادك على الله .. ☺

« دائماً الناس اللي علاقتهم بالله قوية ☺ عندهم كمية تفاؤل غير عادية وثقة فى الله عالية جداً .. بص كده فى قصة طالوت وجالوت ...



(فَلَمَّا فَصَلَ طَالُوتُ بِالْجُنُودِ قَالَ إِنَّ اللَّهَ مُبْتَلِيكُمْ بِنَهَرٍ فَمَنْ شَرِبَ مِنْهُ فَلَيْسَ مِنِّي وَمَنْ لَمْ يَطْعَمْهُ فَإِنَّهُ مِنِّي إِلَّا مَنِ اغْتَرَفَ غُرْفَةً بِيَدِهِ فَشَرِبُوا مِنْهُ إِلَّا قَلِيلًا مِّنْهُمْ) البقرة 49

﴿ لَمَّا عَدَّوْا النهر وشرب اللي شرب .. خلاص داخلين على المعركة .. ﴾

☒ بص أصحاب القلوب الضعيفة قالوا إيه !!

✓ وأهل الإيمان الحقيقي قالوا إيه !!

فَلَمَّا جَاوَزَهُ هُوَ وَالَّذِينَ ءَامَنُوا مَعَهُ

((قَالُوا لَا طَاقَةَ لَنَا الْيَوْمَ بِجَالُوتَ وَجُنُودِهِ))

احنا مش هنقدر عليهم !!

((قَالَ الَّذِينَ يَظُنُّونَ أَنَّهُمْ مُلَاقُوا اللَّهِ كَمْ مِّنْ فِئَةٍ قَلِيلَةٍ

غَلَبَتْ فِئَةً كَثِيرَةً بِإِذْنِ اللَّهِ وَاللَّهُ مَعَ الصَّابِرِينَ))

يظنون يعني يوقتون

شفت الفرق بين الردين والموقفين !!!



#المواقف تظهر حقيقة إيمانك
#قليلة غلبت كثيرة
#مش بالكثرة !!!

« النبي ﷺ وهو في الهجرة مع أبوبكر الصديق ﷺ وهما في الغار سيدنا أبوبكر ﷺ يقول للنبي ﷺ :
لو نظر أحدهم تحت قدمه لرآنا فقال الرسول ﷺ :

يا أبا بكر ما ظنك باثنين الله ثالثهما

لَا تَحْزَنُ إِنَّ اللَّهَ مَعَ الصَّادِقِينَ

ولو فقدت صحتك وأحببتك ومالك وخسرت كل

شيء وأي شيء لا تحزن والله معك ☺

«إنت واخذ بالك من معية ربنا سبحانه وتعالى !!

«إزاي تبقى قلقان وأنت معاك ربنا ؟؟ !!

«إزاي تبقى خايف وإنت معاك ربنا ؟؟ !!

«إزاي تخلي الهموم تسيطر عليك وإنت معاك ربنا

إِنَّ مَعَ رَبِّي سَيِّهْدِين ﴿٦٢﴾ الشعراء

◆ نبي الله موسى (عليه السلام) وموقف من أشد المواقف التي يمر بها هو وقومه .. فرعون من وراهم والبحر من قدامهم ... أنت متخيل المشهد !! .. مغيث أي أسباب نهائي للنجاة

« فقال أصحاب موسى ألي لسه بيحسبونها مع ربنا بالورقة والقلم ومش عارفين إن "تدابيره عجب" »

قالوا " إِنَّا لَمُدْرِكُونَ "

« إحنا خلاص ضعنا ... »

« إحنا خلاص هلكننا »

« فتكون إجابة نبي الله موسى ألي قلبه مليان ثقة »

في ربه وعارف إن ربنا على كل شئ قدير

قال " كَلَّا إِنَّ مَعَ رَبِّي سَيِّهْدِين ﴿٦٢﴾ " الشعراء

« أنا معايا الملك ... »

« أنا معايا ألي ضري ونفعي بيديه .. »

وَقَالَ إِنِّي ذَاهِبٌ إِلَى رَبِّي سَيِّهْدِين ﴿٦٦﴾ الصافات

« امتع سفر في حياتك هو سفرك إلى الله »
« كل طريق مش هيوصلك للهداية .. ممكن يوصلك للهلاك .. »

♥ عايز السعادة أذهب إلى الله ..

♥ عايز راحة البال ، أذهب إلى الله ..

♥ أذهب إلى الله بسجدة ..

♥ أذهب إلى الله بدعوة ..

♥ أذهب إلى الله بقراءة كلامه ..

♥ أذهب إلى الله بهمك ..

♥ أذهب إلى الله بضيقك ..

♥ أذهب إلى الله بغمك ..

♥ أذهب إلى الله سيهديك ..

♥ أذهب إلى الله سيشرح صدرك ..

♥ أذهب إلى الله هيدبر لك أمورك ..

♥ أذهب إلى الله ينورك طريقك ..

"فَإِنْ تَوَلَّوْا فَقُلْ حَسْبِيَ اللَّهُ لَا إِلَهَ إِلَّا هُوَ عَلَيْهِ تَوَكَّلْتُ
وَهُوَ رَبُّ الْعَرْشِ الْعَظِيمِ ﴿١٢٩﴾" التوبة

« لا تحزن ؛ لو كل الدنيا تركتك .. كفاية عليك ربنا
(حسبي الله)
« لو فقدت كل حاجة .. لو خسرت كل حاجة قل
(حسبي الله)
« ربك هو العظيم !! فعمرك ما تحتاج لعظمة
مراكز البشر !! كفاية عليك أن يكون معك العظيم جل
جلاله

« قَالَ بَعْضُ السَّلَفِ :

تَوَكَّلْ .. تُسَاقِ إِلَيْكَ الْأَرْزَاقُ بِلا تَعَبٍ وَلَا تَكُلْفٍ

○ قَالَ بَعْضُ الْحُكَمَاءِ :

التَّوَكَّلْ عَلَى ثَلَاثِ دَرَجَاتٍ : أُولَئِهَا : تَرْكُ الشَّكَايَةِ ،
وَالثَّانِيَةِ : الرِّضَا ، وَالثَّالِثَةُ : الْمَحَبَّةُ ، فَتَرْكُ الشَّكَايَةِ دَرَجَةُ
الصَّبْرِ ، وَالرِّضَا سَكُونُ الْقَلْبِ بِمَا قَسَمَ اللَّهُ لَهُ ، وَهِيَ
أَرْفَعُ مِنَ الْأُولَى ، وَالْمَحَبَّةُ أَنْ يَكُونَ حُبُّهُ لِمَا يَصْنَعُ
اللَّهُ بِهِ ، فَالْأُولَى لِلزَّاهِدِينَ ، وَالثَّانِيَةُ لِلصَّادِقِينَ ، وَالثَّالِثَةُ
لِلْمُرْسَلِينَ

فتش عن الفيروس (الذنب)

« أحياناً كثيرة بنغفل عن السبب الرئيسي لأي هم أو
مشكلة في حياتنا .. مشاكل كتيير في حياتك سببها
الذنوب والمعاصي .. لازم تاخذ بالك من نقطة مهمة
جداً " **إِنَّ كُلَّ ذَنْبٍ مِنْ غَيْرِ تَوْبَةٍ .. قَنْبَلَةٌ مَوْقُوتَةٌ** "

□ قبل ما تدور على علاج لمشاكلك وهمومك وضيقك
والخنقة !! **فتش عن معاصيك وذنوبك !!** فتش عن
الفيروس الفتاك اللي مابيجيش من وراه غير كل هم
وغم ونكد .. كل **ذنب من غير توبة** هيجيب هم وغم
ونكد وقرق ..

ثق تماماً إن اللحظة اللي هتتسى فيها ربنا وهتعطى
لربنا ظهرك .. **دي اللحظة اللي هتدوق فيها طعم
المرار والألم**

« قَالَ اللَّهُ تَعَالَى :

(وَمَا أَصَابَكُمْ مِّنْ مُّصِيبَةٍ فَبِمَا كَسَبَتْ أَيْدِيكُمْ

وَيَعْفُوا عَنْ كَثِيرٍ ﴿٣٠﴾ الشورى 30

يا ترى فتشت عن ذنوبك ومعاصيك ؟؟؟ ولا هي
أصلاً مش محتاجة تفتيش ومعروفة وعامل نفسك



مش واخذ بالك !! مصيرك مفيهوش لعب !! مصيرك مفيهوش انتظار !!

❏ ممكن الهم اللي في حياتك سببه ترك صلاة الفجر.
❏ ممكن الهم اللي في حياتك سببه مشاهدتك الأفلام والمسلسلات وسماعك الأغاني 🎧 و عدم غضك لبصرك وعينك مفتوحة 🗨 هية أرصاد !!

❏ ممكن الغم اللي في حياتك يا أختي عداد السيئات اللي بيشتغل من لحظة وقوفك قدام المراية وانتي بتحطي مكياجك اللي هتنزليه بيه الشارع ..
مسألتيش نفسك سؤال !! حظه المكياج ده لمين ؟؟؟!!

❏ ممكن الهم اللي في حياتك سببه لبسك يا أختي اللي **مفيش واحدة طالبة سعادة الدنيا والآخرة تلبسه !!**
❏ كل شئ بيظهر من جسمك **أكيد ليه عقوبة ..** اللي من ضمنها الهم والغم .. شوفي إيه الخطأ في لبسك وحياتك وسبيك من المظاهر الكدابة .. دا انتي هتنزلي قبرك لوحده !!

❏ ممكن الضيق اللي ف حياتك سببه إنك مزعل والديك منك .. ممكن سببه المال الحرام اللي للأسف بقى منتشر ... ممكن بسبب ظلمك لحد من الناس .. ممكن بسبب مضايقتك للناس اللي معاك في شغلك .. ممكن سببه نظرة احتقار لحد انت شايفه أقل منك ..



ممكن نظرة حرام .. ممكن كلمة مترضيش ربنا .. ممكن بسبب الخصومات اللي بينك وبين أهلك ومقاطعتك ليهم ..

**فتش جواك .. وسبيك من هواك
ارجع تايب لربك .. ده هو اللي رباك**

❏ مر إبراهيم بن أدهم الزاهد المعروف بسوق البصرة فاجتمع عليه الناس، فقالوا له: يا أبا إسحاق: ما لنا ندعو فلا يُستجاب لنا؟ قال: **لأن قلوبكم ماتت بعشرة أشياء:**

عرفتم الله فلم تؤدوا حقه،
وادعيتم أنكم تحبون رسول الله وتركتم سنته،
وقرأتم القرآن فلم تعملوا به،
وأكلتم نعمة الله ولم تؤدوا شكرها،
وقلتم: إن الشيطان عدوكم ووافقتموه،
وقلتم: إن النار حق ولم تهربوا منها،
وقلتم: إن الجنة حق ولم تعملوا لها،
وقلتم: إن الموت حق ولم تستعدوا له،
وإذا انتبهتم من النوم اشتغلتم بعيوب الناس ونسيتم عيوبكم،
ودفنتم موتاكم ولم تعتبروا بهم

أحلى حياة ☺

- ازاى تكون سعيد رغم الإبتلاء؟؟؟!!
 - ازاى تستمتع بقدر الله؟؟؟!!
 - إزاى تتعامل مع مشكلات وتحديات الحياة؟؟؟!!
 - إزاى تفهم الابتلاءات وتتعامل معها صح؟؟؟!!
 - إزاى تعيش فى حياتك راضى وسعيد رغم أى ابتلاء وأى مشكلة وأى ضيق فى حياتك؟
- 📖 الابتلاء له أشكال كثيرة:**

ممکن يكون ابتلاء فى مال .. فى ولد .. فى صحة ..
واشد أنواع الابتلاءات إنك تُبتلى فى دينك !! وتبقى
مصيبت فى دينك ..

📖 **عايز أسالك سؤال .. خسارتك فى تجارتك ، أو
إنك تفقد حد غالى عليك ده بالنسبة لك مصيبة .. مش
كده؟؟؟!! طب بالله عليك.**

✗ إنك تخسر شئ من آخرتك دى مش مصيبة بالنسبة
لك؟؟

✗ لَمَّا تروح منك صلاة فى جماعة دى مش مصيبة
!!

✗ لَمَّا تنام عن صلاة الفجر دى مش مصيبة !!

○ أى مصيبة هى اللى شديدة عليك .. مصيبة الدين
ولا مصيبة الدنيا؟؟؟!!

✗ **لَمَّا مقدار القرآن** اللى المفروض (كطالب الجنة)
يكون يومى بالنسبة لك يروح منك أو بمعنى أصح أنت
مش فاضى للقرآن .. عندك وقت للفيش وعندك وقت
للواتس وعندك وقت للشات **ولكن وقتك مع القرآن**
مفيش !! دى مش مصيبة؟؟؟!!

✗ **لما تنام ليلتك من غير قيام ليل .. ده مش مصيبة
؟؟؟!!**

✗ **لَمَّا تظلم الناس .. وتاكل من حرام .. وتأخذ
رشاوى ولَمَّا تتعامل بالربا .. لَمَّا تقاطع أهلك .. دي
كلها مش مصايب ؟؟؟!!**

✗ يا أختى لَمَّا طرحتك كل يوم تصغر .. تصغر ..
تصغر .. **لغاية ما أوشكت على الانقراض .. والبرفان**
وانتي نازلة الشارع ولبسك الضيق والميك أب وبقيت
الحاجات اللي انتي عارفها .. دى كلها مش
مصايب؟؟؟؟!!

✓ **لَمَّا سعيد بن المسيب فاتته مرة (مرة واحدة فقط)
صلاة الجماعة...جه أحد أصحابه عشان يعزیه..**



فيقول: فانتنتي صلاة الجماعة فما عزّاني غير واحد!!
واحد بس هو اللي مقدر يعني إيه صلاة جماعة تضيع
فعزاني ☹️ .. ولو مات لي ولد لعزّاني (10) آلاف

**وذلك أن مصيبة الدين أهون عندهم من
مصيبة الدنيا.**

✓ هي دى القاعدة اللي عايزك تتعامل بها فى حياتك
(إذا كان أمرك أخرتك بالنسبة لك عظيم هانت عليك
مصائب الدنيا) .. **على قدر تمسكك بالشئ يكون
زعلك وحزنك عليه .. أنت متمسك بإيه ؟!!**

◀ بمعنى ... لما تكون متمسك بأخرتك وحريص
عليها وتزعل على أى تقصير فى طريقك ليها... فوزن
الدنيا فى قلبك مش كبير... وكل ما وزن الدنيا فى قلبك
مش كبير .. **كل ما كان زعلك إذا فاتك شئ منها قليل.**

📖 الحياة لازم فيها من مشاكل و ابتلاءات وكل واحد
فى الحياة عنده ابتلاء معين .. ممكن يكون الابتلاء ده
فى شكل (ابن عاق .. نقص فى المال .. الحرمان من
الإنجاب والأبناء) .. **لكن صبرك و يقينك بالله هما اللي
بميزوك عن أي حد تاني ☺**



👉 **قال تعالى :** " وَلَتَبْلُوَنَّكُمْ بِشَيْءٍ مِّنَ الْخَوْفِ

وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ **وَبَشِّرِ**

الصَّابِرِينَ ﴿١٥٥﴾ الَّذِينَ إِذَا أَصَابَتْهُمُ مُصِيبَةٌ قَالُوا إِنَّا لِلَّهِ وَإِنَّا

إِلَيْهِ رَاغِبُونَ ﴿١٥٦﴾ أُولَٰئِكَ عَلَيْهِمْ صَلَوَاتٌ مِّن رَّبِّهِمْ وَرَحْمَةٌ

وَأُولَٰئِكَ هُمُ الْمُتَّقُونَ ﴿١٥٧﴾ البقرة

♦ **هتقولى طب أصبر إزاي ؟!!!!!!**

" وَأَصْبِرْ وَمَا صَبْرُكَ إِلَّا بِاللَّهِ " النحل 127

👉 استعن بالله هيساعدك .. مش هتقدر تصبر غير لما
ربنا يصبرك .. فاطلب من ربنا الصبر يعطيك

#الله_كريم

○ **الابتلاء نوعين: ممكن يكون ببيتليك عشان
يطهرك من الذنوب ويرفع قدرك عنده ولأنه بيحبك.**

◀ **قال رسول الله ﷺ** " إِنَّ عِظَمَ الْجَزَاءِ مَعَ عِظَمِ
الْبَلَاءِ، وَإِنَّ اللَّهَ إِذَا أَحَبَّ قَوْمًا ابْتَلَاهُمْ، فَمَنْ رَضِيَ
فَلَهُ الرِّضَا، وَمَنْ سَخِطَ فَلَهُ السُّخْطُ " صحيح

« كان شاب ما شاء الله مُلتزم ومحافظ على طاعة الله وكان ملتحي اتباعاً للنبي ﷺ » اتعرض عليه شغل في معرض سيارات.. شوية « شوية ؛ قالوله (يعنى لحيتك طويله خففها شوية « شوية .. شوية بقى يتعامل مع ناس يعزموا عليه بسيجارة « مرة في مرة خد وشرب سجائر « ثم حلق لحيته .. ومع الإختلاط والنساء « اتعرف وعمل علاقة .. والشيخ يقوله أرجع يا بنى ..

يرد ويقول: متقلقش عليا يا شيخ أنا عارف الطريق كويس " اللى زىي ميتخفش عليه " الكلمة اللى ضيعت ناس كتير إنه شايف نفسه كويس .. وقع فى الزنا .. جاله ايدز » الشيخ راحله المستشفى فالشباب قاله كلمة عجيبة جداً خد بالك منها :

" كان نفسى أجيله ماشى جنبى على وشى... "

✉ فى واحد مش بيرجع لربنا غير لما يعمل حادثة ويقعد 6 شهور فى العناية المركزة .. أو يدخل المستشفى فى جرعة مخدرات زيادة .. فيه اللى مش بيرجع غير لما تحصله مصيبة يفقد فيها كل حاجة.

✉ فلما تصبر وترضى ربنا هيرضى عنك " فَمَنْ رَضِيَ فَلَهُ الرُّضَا " .. ولو مرضتش وقولت : " ليه كده يا رب " " أشمعا أنا " " هو مفيش غيرى يعنى " .. تكون النتيجة أنه يغضب عليك " وَمَنْ سَخِطَ فَلَهُ السُّخْط " أوعى ربنا ينظر لقلبك فيراك متسخط ومش راضى بقضائه .. اوعى !!

○ النوع الثانى من الابتلاء هو ابتلاء العقوبة : وسبحان الله تجد الرحمة برضه فى النوع ده من الابتلاء ..

✉ بمعنى شاب حياته مقضيها فى المعاصى وتجراً وتمادى على ربنا بأنواع المعاصى .. تقوله أرجع لربنا.. وهو يطنش .. دا حال ناس كتير ؛ فإفكر إن الدين خنقة وضيق .. وهو مش عارف ولا حاسس إن حياة الطاعة والإلتزام ليها لذة متتوصفش #نعيم_الطاعة

✉ خد بالك : لو ربنا أراد إنك ترجعه.. هترجعه بس لو مرجعتش ماشى على رجلك .. ممكن يجيبك بس على وشك !!

✉ أسمع القصة دى يحكيها أحد الدعاة:

✉ فيه بنات كثير فاكدة إن سعادتها في **الملابس اللي**
اللي تجيب أكبر عدد مشاهدات !! ومش هممها نظر
 ربنا !! أوعي تكوني مفتونة بنظر النظر وكلام الناس .
 ✉ عايز أقولك يا حفيدة زوجات رسول الله .. يا
 حفيدة عائشة ..

- ◆ **عايز أقولك كام شاب أتفتن بسببك؟؟!!**
- ◆ **كام شاب وقع في المعاصي بسببك؟!**
- ◆ **ليه تكوني أداة تطعن بيها شباب الأمة**
- ◆ **ليه يا غالية!! ليه يا طالبة الجنة !! مش**
انتى اللي تعملي كده؟؟!!
- ◆ **مش انتى اللي يضحك عليكى من أهل**
الشهوات!!

 ﷺ **بيدك على مفاتيح النجاح والسعادة في**
دنياك وأخرتك : «الْمُؤْمِنُ الْقَوِيُّ خَيْرٌ وَأَحَبُّ إِلَى
اللَّهِ مِنَ الْمُؤْمِنِ الضَّعِيفِ ، وَفِي كُلِّ خَيْرٍ، اِحْرَصْ
عَلَى مَا يَنْفَعُكَ، وَاسْتَعِزْ بِاللَّهِ وَلَا تَعْجَزْ، فَإِنْ
أَصَابَكَ شَيْءٌ، فَلَا تَقُولَنَّ: لَوْ أَنِّي فَعَلْتُ كَذَا وَكَذَا،

وَلَكِنْ قُلْ: قَدَرُ اللَّهِ وَمَا شَاءَ فَعَلَ، فَإِنَّ اللّٰهُ تَفَتَّحُ
 عَمَلَ الشَّيْطَانِ » صحيح

○ **تعالى نعيش مع الحديث واحدة واحدة** **ونعيشه بقلوبنا :**

﴿الْمُؤْمِنُ الْقَوِيُّ خَيْرٌ وَأَحَبُّ إِلَى اللَّهِ مِنَ الْمُؤْمِنِ
 الضَّعِيفِ ، وَفِي كُلِّ خَيْرٍ : قوي في طاعة الله والدعوة
 إلى الله ونصر دين الله .. لكن المؤمن الضعيف نفعه
 لنفسه فقط .. ضعيف في الطاعة .. ضعيف في نصر
 دينه .. والإثنين فيهم خير لاشتراكهم في الإيمان ..
 ﴿اِحْرَصْ عَلَى مَا يَنْفَعُكَ : شوف إيه اللي ينفعك في
 أمر دينك ودنياك واعمله .. وبلاش تضع عمرك في
 الكلام الفاضي .. استفاد في المجال اللي أنت فيه
 وطور نفسك أكثر واتعلم واجتهد ومتساش نيتك " إنك
 ترضي ربنا بكده " .. خليك حريص على كل شئ
 ينفعك ؛ تسمع درس يذكرك بالله .. تزور مريض ..
 تزور أيتام ... الخ

﴿وَاسْتَعِزْ بِاللَّهِ وَلَا تَعْجَزْ : إياك واليأس .. إياك
 والإحباط .. إياك وفقدان الأمل .. طول ما بتستعين بالله
 هيكون معينك ونصيرك .. أما لو قلبك اتعلق بغيره
 ربنا هيتتركك ليه .. قلبي لربي .. ولو حصل أي شئ



متقدش تقول يا ريتنى كنت عملت كذا وكذا أصل أنا
 مش عارف إيه .. وأنا لو .. ولو .. ولو .. **دا كله**
هيصيبك بخيبة أمل ومدخل من مداخل الشيطان ..
 قولها بكل ثقة ويقين واطمئنان

قدر الله وماشاء فعل ..

ده قدر ربنا واللي أراده بحكمته وعلمه فعله ..
 ♥ **أحياناً ربنا بيبتليك في شئ تحبه عشان ميعلقش**
قلبك بغيره .. قلبك لربك

♥ **بيبتليك عشان لو انت بعيد عنه يقربك .. ولو غافل**
عنه يفكرك .. ربنا شايفك تايه في الدنيا .. بعيد عن
طاعته .. مقصر في حقه وحق نفسك .. فالابتلاء
بيجمع قلبك على طاعة الله .. ويفرغ قلبك لله ☺

♥ **وراء كل ابتلاء حكمة عظيمة ورحمة كبيرة**
ولطف خفي وخير كثير .. رب الخير لا يأتي إلا بخير

الحزن مش هيديك أي حاجة .. بس

هياخد منك كل حاجة .. تحزن ليه !!

✉ **متخليش نفسك فاضي لدرجة يسيطر عليك**
بسببها الهم والحزن والقلق .. انشغل !!



✉ **بدل ما تقعد تشكي وقاعد تعد في مشاكلك أو**
ابتلاءات حياتك ..

انشغل بذكر نعم ربنا عليك .. متبقاش جحود !!

✉ **ربنا سبحانه وتعالى قسم الرزق بين عباده بحكمه**
بالغة .. في واحد كثرة المال تفسده .. وفي واحد قلة
المال تفسده .. في غني وفي فقير ..

المهم مكانتك عند ربنا عامله ازاي؟؟!! فكرت في

السؤال ده قبل كده؟؟!!

✉ **بص دايماً لمن هو أقل منك في الأمور الدنيوية ..**
ليه؟؟!! بكده هتبص للنعم اللي انت فيها وتهشكر بقلب
مليان .. أما لو بصيت لحد أعلى منك في الدنيا ؛ مثلاً
معاه عربية وانت لأ .. ممكن ربنا وسع عليه في المال
أكثر منك شوية .. لما تبص لده .. تهتقر نعمة ربنا
عليك ..

♦ متقارنش نفسك بحد !!

الشخص اللي انت موهوم بيه ده وبتبصله نظره حقد
 وحسد وشايفه مستريح وسعيد .. انت متعرفش
 المستخبي إيه !! متعرفش إيه اللي في حياته !! بلاش
 تكون عبد للمظاهر .. خليك عبد لله وبس ..



♦ **فكر في مشاكلك بشكل إيجابي ..** ازاي تستفيد من الابتلاء أو المشكلة دي ..

اصنع من الحامض حلواً بثقتك في الله ..

♥ **يقول العالم النفساني كارل يونج :**

"إن ثلث عدد مرضاي لا يشكون من أمراض نفسية معلومة محددة ، بقدر ما يشكون من فراغ حياتهم ، وخلوها من البهجة والمتعة "

♦ **متحسش دايماً إنك انت بس المطحون ومتبهدل ،**

في ناس تعبانة اكثر منك .. في ناس مريضة اكثر منك

.. في ناس محتاجة اكثر منك .. السعادة إنك تسعد

غيرك .. حاول ترسم ابتسامة جميلة علي وجوه الناس

.. خليك مصدر سرور لغيرك .. بلاش تعيش لنفسك ..

♥ **صلاتك وعبادتك لله هي الحل الأكيد اللي تقهر بيه**

أي هم أو قلق .. ده غير المسلمين بيقلوا كده ..

♦ **يقول الدكتور أبريل :**

" إن المرء المتدين حقاً لا يعاني أبداً

مرضاً نفسياً "



﴿ تجاهل كلام الناس والنقد الظالم واستفيد منه عشان تتجح في دينك ودنياك .. ركز في هدفك .. متعطلش نفسك .. وفلان قال وفلان عمل .. ومترميش مشكلتك على حد .. أنت اللي هتشيل شيلتك في الدنيا والآخرة .

﴿ **أسعد نفسك بما تملكه ..**

متقولش عشان لما يبقى معايا كذا هبقى مستريح .. واحد يقولك أنا بس اتجوز وهبقى مية مية .. أنا نقصني بس إن يبقى عندي كذا وكذا .. لأ !! .. أسعد نفسك النهارده وعيش يومك بما يرضي الله .. ممكن النهارده يكون آخر يوم ليك في الحياة .. **عيشه بفرحه .. بسعادة .. بطاعة .. بحسن خلق ..**

يُذيقك مرارة البلاء .. حتى تستطعم

حلاوة القَرَج ☺

" سَيَجْعَلُ اللَّهُ بَعْدَ عُسْرٍ يُسْرًا ﴿٧﴾ " الطلاق

○ **مسألتش نفسك سؤال .. هو ليه في دراستنا في**

سنة أولى وسنة تانية وتالته .. !!! ما كان الطالب

يدخل سنة أولى ويدخل تانية على طول من غير
امتحانات ولا حاجة ؟؟؟!! **ليه لازم امتحانات ؟؟؟!!**

عشان يتم تقييم الطلاب .. عشان الطلاب كلهم مش
زي بعض .. عشان يتعرف مقاماتهم .. يعني
الامتحانات دي مش تعذيب ولا حاجة !!
◀ وكذلك الابتلاءات والاختبارات اللي ربنا بيختبرنا
بيها في حياتنا .. **عشان يتعرف الصادق في علاقته
بالله من الكاذب** .. عشان لو نجحت في الاختبار ده
مكانتك تزيد عند ربنا .. ومقاماتك الإيمانية تزيد ..
وحبك لربنا يزيد ☺ .. وعلى العكس لو سقط في
الامتحان ده هيبقى العكس تماماً ..

قال تعالى :

"أَحْسِبِ النَّاسُ أَنْ يُتْرَكُوا أَنْ يَقُولُوا ءَامَنَّا وَهُمْ لَا
يُفْتَنُونَ ﴿٢﴾ وَلَقَدْ فَتَنَّا الَّذِينَ مِنْ قَبْلِهِمْ **فَلْيَعْلَمَنَّ اللَّهُ**
الَّذِينَ صَدَقُوا وَلْيَعْلَمَنَّ الْكَذِبِينَ ﴿٣﴾ " العنكبوت

◆ يفتنون : يعني يختبرون ..
◆ ياترى هتخرج من الابتلاء ده وتذكر عند ربنا إنك
"**صادق**" ولا هتذكر عند ربنا "**كاذب**" ؟؟؟!!

وقبل الختام الوصايا العملية

◆ غير النظارة بتاعة قلبك وانت تعرف ليه ربك عليم
حكيم .. لطيف خبير .. زي ما بيقلوا في المثل (ربنا
مبيجش حاجة وحشة) لأن تدابير عجب ..
✚ ودي بعض المفاتيح اللي لازم تكون معاك طول
حياتك وعاش بيها .. ومينفعش تستغنى عنها :

1- نظف النظارة !!

استغفر ربك .. استغفر ربك .. استغفر ربك
◆ الذنوب عاملة زي القنابل الموقوتة اللي ممكن
تفجر فيك في أي لحظة ... الاستغفار يفتح الأبواب
المغلقة

قال تعالى :

" وَمَا كَانَ اللَّهُ مُعَذِّبَهُمْ وَهُمْ يَسْتَغْفِرُونَ ﴿٣٣﴾ " الأنفال

2- كثر من الصلاة على النبي ﷺ :

◆ كثر على أد ما تقدر من الصلاة على النبي ﷺ
عشان تكون النتيجة :
" إذا تكفى همك ، ويغفر ذنبك " حديث صحيح



3 - خذ الدواء بتاع كل يوم (اقرأ قرآن) :

﴿ قال تعالى : " وَنُنَزِّلُ مِنَ الْقُرْآنِ مَا هُوَ شِفَاءٌ

وَرَحْمَةٌ لِّلْمُؤْمِنِينَ " يونس 82

♥ كل آية قرآن هتريح قلبك وهتملاه سكينه
وطمأنينه .. كل آية هتديك نور تمشي فيه في طريقك
لربنا وفوسط زحمة الحياة ☺ .. لازم كل يوم ليك
وقت تعيش فيه مع كتاب الله وتعيش مع معانيه ..
هتغير حياتك تماماً ... راجع كتابي عن القرآن

4- متنساش تاخذ بنزين بـ (قيام الليل) :

♥ ركعتين يقلبوا حياتك تماماً .. ركعتين هتقول فيهم
ياااارب .. عاملين زي لما تدخل تاخذ " دُش " بعد
يوم طويل من التعب والعرق والإرهاق .. اقف بين
يديّ الله ، ويا سلام بقى لو قبل الفجر وافتكر الحديث
ده " إن في الليل لساعة لا يوافقها رجل مسلم يسأل
الله خيراً من أمر الدنيا والآخرة إلا أعطاه إياه وذلك
كل ليلة " صحيح

حاجاتك التي في النهار .. حققها بدعائك الذي في الليل

كل يوم عطايا !! .. كل يوم هدايا من الرحمن ..



راجعى كتابي بعنوان " نجوم الليل " للاستفاضة

5- تصدّق :

♥ ممكن بمالك .. بابتسامة ☺ .. تجبر بخاطر حد ..
تساعد حد .. والجزء من جنس العمل .. الله كريم
تصدق بما تملكه .. يعوضك الكريم بما يدهشك

6- ادعي ربك صح ✓ :

♥ ادعوه بانكسار .. أفضل واقف على بابيه ، لا تترك
الدعاء أبداً في أزمة أو في غير أزمة .. ادعوه أكثر ..
يحبك أكثر .. متحرمش نفسك الإجابة بسبب مقاطعة
أهلك .. اغفر يغفر الله لك .. واعفوا يعفوا الله عنك

7- الجنة أحلى :

ستنسّى كل همومك ، مع أول قدم في الجنة

اعمل للحظة اللي هتسعد فيها بدخولك جنة
فيها مالا عين رأت ولا أذن سمعت ولا خطر على
قلب بشر ♥ ♥ ♥

أنشودة " ارفع إيدك "

ارفع يا ابني لربك ايدك .. ربك ابدًا مش هيسيبك

جرحك .. ألمك .. هيداويه .. كل هم بتشتكيه

مهما حلمك كان كبير .. مهما جرحك كان خطير

ربك يسمعك شكواك .. ربك أعلم بدواك

اوعى صديقك يبقى الهم .. افرح .. اسعد بقى ياعم

الحزن عمره ما هيدريك حاجة .. يسرق منك كل حاجة

عيش اللحظة بكل سعادة .. رطب قلبك بالعبادة

اسجد سجدة وفضفض فيها .. كل همومك هتداويها

لو حاسس إنك قلقان .. حاسس إنك مش ف أمان ..

أجري بقلقك .. أجري بخوفك .. أجري بنفسك عل الحنان

حاسس إن الناس سيياك .. عمال تنزف من جواك

ربك يا بني اسمه الرحمن .. أبدًا ما يسيبك تعبان

اوعى ذنبك يدبحك .. اوعى بُعدك يجرحك

حاسك عايز ترتاح .. عايز صدرك فيه انشراح

ياللا دلوقتي صلي وقوم ... قوم وكسر الهموم

أمسك مصحف واقرا فيه ..

اسقى قلبك كل آية .. ينبت فرحة ويبقى حكاية

طمّن قلبك بالاذكار .. ريح بالك م الأفكار

طمّن قلبك بالاذكار .. ربك يا بني عزيز غفار

طمّن قلبك .. واذكر ربك يا بني كثير .. ريح بالك م التفكير

اوعى اليأس يخبط بابك .. حسن ظنك دا راس مالك

خليك واثق في الكريم .. مهما كان كربك عظيم

كل أزمة لازم تهون .. بعد العسر الخير يكون

الصفحة الرسمية للمكتبة

مكتبة
الحجور
YCHAVES ELJAGGJE